

編號 2 號

【鬧熱个落雨天】曾青怡原作

鬧鐘仔鈴、鈴、鈴！響哩！大嫻聲喊恁遽趺床，再過忍床就會赴毋掣去學校讀書哩啲。恁目西西仔伸手去撒忒鬧鐘，又過橫落眠床，捨毋得摻佢分開。欸！毋係天光吔？外背仰會還係唔摸胥疏？探頭看往出，原來係天公派烏雲來通知恁兜——愛落雨哩！

有人認為落雨天係麻煩天，出外愛著水衣仔，無就掣遮仔，一無細衫褲又會涿到濕漉漉仔，愛去哪仔都毋方便。學生仔盡惱無法度出去打球仔、搞蔡，一下課就會分先生掌等，麼人都做毋得出去涿雨，故所見看啊著落雨，大家就唉啞啞啞，眼盯盯看等雨水號等歸隻个運動坪，實在還愜悴哦！

毋過，落雨天對恁來講顛倒係異鬧熱个日仔。早晨頭一出門，滿街路都係恁恁个車仔，這片嘩嘩、該位叭叭，像久見个朋友相借問樣仔，大家相賽尖共下講起恁久無看著个思念。該兜行路个人，掣等一支支个遮仔花，分雨水淋啊過，跔等就開出各色个花彩，撥去撥轉像在該比看麼人个花較靚樣仔。你係同佢聽較

¹ 鈴：音 liang；擬聲詞。摸擬鈴聲。

真兜仔，該雨水打在車仔頂、屋頂、水窟仔還過樹葉仔頂高个聲，全部都無共樣，有高音、有低音，有大聲、有細聲，像係在該唱歌仔分你聽樣仔。成時，雷公還會用曠燼來打燈光，用響雷公來和聲，恁樣講起來，係毋係異生趣？

佢盡好在落雨天打早就去學校，因為該兜平常時因核核个蠅螺仔²、蠅公全部都會趁出來搞水。學校个圖牆³係紅毛泥作个，壁項生个溜苔青里仔，落雨該下，蠅螺仔趁上趁下陣打陣，相賽看麼儕蹶較遽，有个彎來幹起做起畫圖个藝術家，有个停跔在圖牆頂高享受分雨涿个清涼、逍遙、還過自在。

落雨天出來搞蔡个蠅公盡好膽，衫褲無著就緊拚拚仔走出來搞水，溝堰肚朗朗滾个水流緊冲等來佢也毋驚。有幾下尾蠅公分水冲啊去還會搖來擺去，暢到奈毋得。有个蠅公大學掣仔趁到路項來，較硬身个還做得趁轉去；較嫻个將就橫在路徑頭，分天公做主哩！

鬧熱个落雨天，有人懊惱，有人歡喜，天公無法度合每一齊人个意，佢就愛自家改變想法，不管麼个天都係盡好个天。

² 蠅螺仔：音 se^ˋ lo^ˋ e^ˋ；蝸牛。

³ 圖牆：音 tu^ˋ xiong^ˋ；圍牆。

編號 5 號

【蘋果¹】徐姿華原作

在臺灣，蘋果係盡無見奇个水果，一年四季儘採哪個水果攤仔都看得著，毋過，蘋果个魔力，係從細就深深種在吾心肝肚、圍入吾腦膈肚个。

佢兜三姊妹一個續等一個出世了後，屋下个開銷日見日增加，阿爸同阿姆參詳了後，決定放忒屋下該埕出息無多个薄田，出外食頭路，為著賺較多兜仔錢，阿爸去應²著水壩工程个十輪牯運轉手，愛配合工地時間出車，一個月正有好寮兩日仔定。

阿爸當珍惜同屋下人共下个時間，放寮前一日下班過後，阿爸就透夜仔趕轉來，轉到屋下既經會轉點咧，佢兜早都睡到尿牯孔孔，阿爸會輕手輕腳來間肚巡佢兜，看啊佢兜有睡好無？有踢被無？佢會同睡到橫架直架个佢兜扞起來睡正、過同佢兜蓋被，還會受佢兜个面頰卵。分阿爸短短个鬍鬚刺著，又癢又痛又虐，目睡覺分阿爸吵醒現起雷追³，目摸目罅嚶嚶滾⁴嗽眇，阿姆就

¹ 蘋果：音 lin` go~；語源於日語「林檎(りんご)」。

² 應：音 in`；允諾。

³ 起雷追：音 hi` lui` dui`；孩童使性子。

⁴ 嚶嚶滾：音 e e gun`；幼童哭鬧的聲音。

會嚶嚶滾⁵，喊佢莫搵射人。阿爸會牙牙射射⁶講：「恁久無看著咧，佢當想吾心肝妹啊！」還當愛睡个佢，一下仔又昏迷癡癡睡忒，毋過睡夢中仰鼻著香香甜當好鼻个味緒呢？

第二日朝晨炕床，枕頭脣有一粒又紅又大粒个蘋果，該香香个氣味就係昨昨暗睡日該下鼻著个，該大蘋果還錫人哪！係阿爸轉來咧！佢一恁真，遽遽跳落眠床，官赴著鞋就飄等出去，阿爸坐在飯桌前牙噉噉仔⁷看佢，佢一下就跳到阿爸个大腳腓頂坐等，兩隻手纏等阿爸个頸根，同阿爸使妮⁸。阿姆兜等一鑊燒燒燒仔个藥行過來，看著佢恁樣，笑笑仔講：「還使妮哦！遽遽去洗嘴洗面好食朝咧！」佢還係毋肯下來，拈等阿爸像一隻無尾熊，阿爸笑到哈哈滾，企跣起來同佢拈去洗身間洗嘴洗面。

阿爸知佢好食蘋果，逐擺做事轉來，總會買蘋果放在吾枕頭脣，分佢做得發一個香香甜甜个夢。佢知阿爸惜佢，佢也知佢當愛阿爸。該蘋果个香氣、靚靚个外型同脆脆甜甜个好味緒，毋知對哪時既經刻入吾个心肝肚，該蘋果就係阿爸愛佢、惜佢个印記。

⁵ 嚶嚶滾：音 giau giau gun`；形容抱怨或不滿的聲音，多用於罵人。

⁶ 牙牙射射：音 nga` nga` sa sa；支支吾吾。

⁷ 牙噉噉仔：音 nga` ve` ve` e`；笑嘻嘻的。

⁸ 使妮：音 sai` nai`；撒嬌。